

տուածընկալ սուրբ Նշանէս Վանկոյ, և ի շնորհարաշխ Ալոյս մեր Սուրբ Լուսաւորչին Գրիգորի, և յերկնահանգէտ սուրբ աթոռոյս առաքելական . Որոց արագահաս սքանչելագործ կարող զաւրութեամբն և աւրհնութեամբն՝ պահպանեալ փրկեալիք յամենայն վտանգից փորձանաց հոգւոյ և մարմնոյ, տամբ և որդովք, և ամենայն գոիւք. ամէն :

Գիտութիւն լիցի ձեզ ամենեցուն, սիրելի որդիք մեր ի Քրիստոս, բազմաշարշար երկամբք ծնունդք աւետարանալն ի Քրիստոս Աստուած՝ Սրբոյն Գրիգորի . զի ըստ հայրական շերմն սիրո մեր զոր ունիմք ի վերա ձեր, հանապազ հոգ մեր դուք էք ի Տէր, եթէ ո՞րպէս կամ զիարդ էք ի ժամանակիս շար բերմանց ներքուստ և արտաքուստ ներհակաց . զոր և աղաւթիւք հայցեմք յԱստուծոյ և ի մեր Սուրբ Լուսաւորչէն, պահել զձեզ խաղաղութեամբ հոգւոյ և մարմնոյ առողջութեամբ և ամենայն բարութեամբ :

Եւ այլ ծանիք մեր ըստ հոգւոյ որդիք, զի այդ Գրիգոր ասացեալ չեպիսկոպոսը՝ որ ի Լովդ դարսնակալ նստի, նա ի մեր նախնեացն ժամանակն ի Քրիստոս հանգուցելոցն՝ ի Տէր Մեսրուպա և ի Տէր Կոստանդիա, բազում անսահման բաներ գործեաց . զի առանց իր ձեռնադրողին հրամանաց՝ յայլոց վիճակ կու ձեռնարկէր, և ամբարտաւանութեամբ կու գնայր . յաղագս որո բազում խրատական գրեր առաքեաց առ նա, և նա ոչ սգաստացաւ : Յետ այնորիկ վաղջանեցաւ Տէր Մեսրովբ, և հաստատեցաւ Տէր Կոստանդին . իսկ այդ ասացեալ չեպիսկոպոսդ Գրիգորդ՝ ևս առաւել յաճախեաց ի յանուղղեա վարս իւր . որ և եհաս համբալ չարութեան նորա առ Տէր Կոստանդին . որ և յոյժ վերաւորեցաւ նմայ . սակայն ներեաց, թերևս յուղութիւն դարձցի : Ապա յետ այնորիկ ել և եկն ասացեալ չեպիսկոպոսդ՝ առ Տէր Կոստանդին . և այնպէս երևեցոյց զինքն Կաթողիկոսի, որպէս ասէ Քրիստոս, եթէ Գայցեն առ ձեզ հանդերձիւք ոչխարաց, և ի ներքո են գայլք յափշտակողք . Նայ այնպէս արար . զի սուտ խոնարհութեամբ և սնտապատիր խարէութեամբ պատրեաց զմեր նախնին, և կրկին էառ շրջաբերական Լովին : Իսկ յետ սակաւ աւուրց իմացաւ Տէր Կոստանդին զնորա անուղղեա գործերն, և ծանեաւ ըզնայ որպէս ասէ Քրիստոս, եթէ, ի պտղո նոցա ծանիլիք զնոսա : Յըղեաց մարդ ըզհետ նորա մինչև ի Վահկայն, և ետ առնուլ ի նմանէ ըզշրջաբերականն և զամենայն գրերսն, և զնա հերքեցին : Իսկ այտ շարեաց արմատ ասացեալ չեպիսկոպոսդ՝ եկն դարձեալ ի քաղաքն . և զերկաթն՝ զոր սպունկանաւ՝ ծածկեալ ունէր՝ նա ի գործ չարութեան էած . զի զնաց յարեցաւ յիշխանսն, և կաշառս ետ նոցա, որ եկին իշխանութեամբ զկաթողիկոս ի կամաց հանին, և առին դմա շրջաբե .

1 . Մութ և անսովոր բառիւ ըսուած . Սպանկանն՝ թուի իմն թէ ոչ սպունդ՝ այլ պատեան նշանակէ, որոյ մէջ ծածկեր էր չարութեան կամ կարելու գործիք երկաթը . այսպէս գուշակել տայ և հին բժշկարանի մէջ Սպանկան գրուածն, ներքին վիրաց դարմանի համար . « Չփորն խարկէ սպունկոտ » . իսկ Գիմիազիքն՝ աւելի սպունդի կարծիք տայ, ըսելով . « Ճողովցի սպունդառով կամ փետրով » :